

Resolución do expediente con código PO-00021546H(2.1) e titulado Proxecto de ordenación forestal TRASPARGA, Concello Guitiriz, Provincia Lugo .

ANTECEDENTES DE FEITO

Primeiro. Con data 10/05/2021 tivo entrada no rexistro do órgano competente para a súa tramitación o expediente exposto con anterioridade.

Segundo. A solicitude inclúe novos modelos silvícolas ou de xestión forestal ou de referentes de boas prácticas específicos.

Terceiro. A documentación presentada está completa.

Cuarto. No plan Xeral do devandito instrumento aparece reflectido o obxectivo pastos.

Quinto. Seguindo o establecido no artigo 15 do Decreto 52/2014, procedeuse a requirir os seguintes informes:

- Informe do Distrito Forestal X - TERRA CHÁ. Con data 07/03/2022 recibíuse fora de prazo o informe con sentido non favorable.
- Informe do Servizo de Patrimonio Natural. Solicitado con data 21/05/2021 e non recibido. Favorable por silencio.
- Informe do Servizo de Patrimonio Cultural. Recibido con data 26/05/2021 en sentido favorable condicionado e notificado ao solicitante no trámite de audiencia.

Sexto. Con data 14/12/2022 a directora xeral de Calidade Ambiental, Sostibilidade e Cambio Climático resolve formular a declaración de impacto ambiental do proxecto de ordenación forestal no M.V.M.C. de Trasparga, no concello de Guitiriz (Lugo), promovido pola C.M.V.M.C. de Trasparga, considerando que o proxecto é ambientalmente viable sempre que se cumpra, ademais do recollido no estudo de impacto ambiental e a restante documentación avaliada, o condicionado que figura ao longo deste documento, tendo en conta que no caso de que exista contradición entre eles, prevalecerá o disposto nesta DIA.

Sétimo. Con data 12/01/2023 procedeuse a darlle o trámite de audiencia segundo o artigo 82 da Lei 39/2015. O solicitante presentou as alegacións oportunas fronte as consideracións expresadas nos informes e aportou unha nova versión do instrumento emendando as deficiencias atopadas. O servizo de montes de Lugo procedeu a requirir o seguinte informe:

- Informe do Distrito Forestal X - TERRA CHÁ. Recibido con data 07/02/2023 en sentido favorable

Oitavo. Con data 01/03/2023 o servizo de montes propón a aprobación do expediente indicando:

O instrumento cumpre cos requisitos establecidos no Decreto 52/2014, de 16 de abril, polo que se regulan as instrucións xerais de ordenación e de xestión de montes de Galicia e eleva o expediente á Dirección Xeral de Planificación e Ordenación Forestal para que resolva a súa aprobación.

Os modelos silvícolas ou de xestión forestal ou de referentes de boas prácticas específicos aseguran a persistencia, estabilidade ou sostenibilidade dos





aproveitamentos forestais e presentan a mesma estrutura que os establecidos por orde da consellería competente en materia forestal segundo o establecido nos artigos 13.2 e 13.3 do Decreto 52/2014.

CONSIDERACIÓNS LEGAIS E TÉCNICAS

Primeiro. Segundo o establecido no artigo 8.1 da Lei 7/2012, de 28 de xuño, de montes de Galicia, no Decreto 129/2015, do 8 de outubro, polo que se fixa a estrutura orgánica das consellerías da Xunta de Galicia e no Decreto 149/2018, do 5 de decembro, polo que se establece a estrutura orgánica da Consellería do Medio Rural e se modifica parcialmente o Decreto 177/2016, do 15 de decembro, polo que se fixa a estrutura orgánica da Vicepresidencia e das consellerías da Xunta de Galicia a competencia para resolver correspóndelle á Dirección Xeral de Planificación e Ordenación Forestal.

Segundo. O expediente foi instruído conforme ao disposto ao Decreto 52/2014 , de 16 de abril polo que se regulan as instrucións xerais de ordenación e xestión de montes, e segundo o Decreto 73/2020, do 24 de abril, polo que se regulan os aproveitamentos madeiros e leñosos, de cortiza, de pastos, micolóxicos e de resinas en montes ou terreos forestais de xestión privada na Comunidade Autónoma de Galicia e seguindo o establecido na Lei 39/2015, do 1 de outubro, do Procedemento Administrativo Común das Administracións públicas.

Terceiro. A aprobación do proxecto non pode obviar a aplicación do resto da normativa, que tamén é de aplicación aos instrumentos de ordenación aprobados expresamente pola administración, entre outra:

- Lei 3/2007, do 9 de abril, de prevención e defensa contra os incendios forestais de Galicia.
- Lei 7/2012, do 28 de xuño, de montes de Galicia
- Lei 13/1989, do 10 de outubro, de montes veciñais en man común
- Lei 21/2013, do 9 de decembro, de avaliación ambiental
- Lei 11/2021, do 14 de maio, de recuperación da terra agraria de Galicia.

E demais normativa sectorial que concorra sobre o ámbito territorial do proxecto

Polo anteriormente exposto, RESOLVO:

APROBAR a primeira modificación do expediente con código PO-00021546H(2.1) e titulado Proxecto de ordenación forestal TRASPARGA, Concello Guitiriz, Provincia Lugo e autorizar a súa inscrición no Rexistro de Montes Ordenados, segundo o artigo 81.1 da Lei 7/2012, de 28 de xuño, de montes de Galicia, cunha vixencia ata o 31 de decembro do ano 2031 inclusive, co número de rexistro 2700507.

Esta resolución circunscríbese ás competencias dos organismos sectoriais da Xunta de Galicia, sen prexuízo das competencias que outros organismos, nomeadamente os estatais, poidan ter sobre a materia.

Considérase incorporada a esta Resolución, a declaración de Impacto Ambiental formulada con data 14/12/2022 pola Dirección Xeral de Calidade Ambiental, Sostibilidade e Cambio Climático no que resolve formular a declaración de impacto ambiental do proxecto de ordenación forestal no M.V.M.C. de Trasparga, no





concello de Guitiriz (Lugo), promovido pola C.M.V.M.C. de Trasparga, de conformidade co artigo 42 da Lei 21/2013, de 9 de decembro, de avaliación ambiental.

AUTORIZAR os novos modelos silvícolas ou de xestión forestal ou de referentes de boas prácticas específicos: • P13 : Modelo pascícola: Pastos

AUTORIZAR a inscrición no Rexistro Público de Terreos Forestais de Pastoreo de regulación de pastoreo de 164,656900 Ha do monte.

Contra a presente resolución, a persoa interesada poderá interpoñer RECURSO DE ALZADA no prazo DUN MES dende o día seguinte ao da súa notificación, ante a Conselleira do Medio Rural, ao abeiro dos art 112 e 121 da Lei 39/2015, do 1 de outubro do Procedemento Administrativo Común das Administracións Públicas. Transcorrido este prazo sen presentarse o devandito recurso, esta resolución adquirirá firmeza en vía administrativa.

Mediante este documento notifícaselle a MANUEL ESTRAVIZ CASTRO, representante de CMVMC DE TRASPARGA, NIF V27133180 esta resolución segundo o esixido no artigo 40 da Lei 39/2015, do 1 de outubro do Procedemento Administrativo Común das Administracións Públicas.

Santiago de Compostela,

O director xeral de Planificación e Ordenación Forestal
José Luis Chan Rodríguez
(Asinado dixitalmente)

